

## Nwàk nè Ba nè JON à Còom

*Ghà nè Jon ànə com n̄wàk ènə à ye n̄ga bùu sè wo sə yə'rə Ntirè nè Bèboŋ nə sə ḡihi yə'rə lòkɛ' nà' m̄tsè. Bùu mok sè wo à sə yə'rə yàwo bum m̄wès à sə ḡihi sè' vɛ'nə, fana Jon sə tip Krətèŋ wèŋ də yà'a jəŋ n̄kərə bə nsàp bù nə yà'wèŋ sə jəŋ nisə m̄ ndà'à.*

### *Jon Cèpsə Krətèŋ Mok Wèŋ*

<sup>1</sup> Còm n̄wàk nè'e mù nè m̄ n̄kwà'n̄wè m̄ cos. Mù cèpsə wu, Avà, nè Nwì a swekfis wu bə bwe yo\* sè mù dzəm wèŋ sə n̄tùù mù zìnə sə. Sə kà wèŋ mù dzəm mègù, sə dzəm wèŋ bùu sè wo rì zìnə nè Nwì nə pwe'fo'. <sup>2</sup> Vès dzəm wèŋ bùusè ncèp nè zìnə nə cu sə n̄tùù vès, fana nà'a nə cum mali ca nè m̄vèsè. <sup>3</sup> Nwì nè yi tè' àvès bə Jisòs Krəst mo ye ḡù vesùwèŋ bəboŋ, wo tse' koksəmanziŋ bohòvès, nə ḡu vesùwèŋ n̄gòtse' fifi sə n̄tùù vès. Bum yè'sə, vesùwèŋ nə tse' yà' m̄m̄vè'nə vesùwèŋ sə bɛ' zìnə nə, nə sə dzəm ni' avès.

### *A Dzəm Nì' Avès*

<sup>4</sup> Mù sə kwa nè b̄p m̄m̄vè'nə mù a yuk də bwe yo mok sə bɛ' zìnə nè tè' àvès Nwì a n̄tsè' fa ves nə. <sup>5</sup> Avà, yusè mù sə dzəm n̄gòcèp sə ka

---

\* **1:1** 1:1 Avà nè yi ma nè bəboŋ nə yà'a cos nə fana bwe ye sə ye yàwo krətèŋ wèŋ. A vɛ'nə sè' ndzənə n̄go nè 13.

yumok sè fi yeŋ, yà' mègù sè ncèp nè vès ànə tse' to mantombi nè də, vesùwèŋ dzəm ni' avès.  
 6 Mandzè nè aco vesùwèŋ niŋ tsok də vesùwèŋ dzəm Nwi, a ŋgònòŋsə lùuk ye. Lùk nè wèŋ à yuk mantombi nè də, wèŋ cum ncù nè nà'a bə dzədzəm.

### *Bùu Sə Wo Bèŋ Jisos Krest*

7 Yusè yà' gù ŋkuŋ mù cep ve'nə a bùusè ŋgàa cì' mɔwès a ram lòsənə nzeŋgòŋ nè ŋkùuŋntèŋ. Bùu yè'sə sə bèŋ də Jisòs Krest à ka sə nzeŋgòŋ bə ŋgùpni' co ŋwè və. Nsàp ŋwè ànə yi yà'sə ŋgà cì' mɔwès nè, nè ye ŋgà bèŋ Jisòs nè wo à duk nè. 8 Wèŋ jəŋ ŋkərə də yusè wèŋ a fàk sə wèŋ kà bə zeŋ wà kə màhà. Wèŋ jihi nzòŋ ya wo kà weŋ jipsə ya wèŋ kə tse' ləlàk awèŋ dak mɔmvè' nè. 9 Nwè nè yi naaŋ gèsə-a yumok mənə yusè Jisòs a yə'rə fa bwìŋ, nè kà zeŋ yù mègù, ye də ŋwè ànə ka bə Nwi yeŋ. Nwè nè yi tə mègù-a ye bə yusè Jisòs a yə'rə sə fana ye də yi bə Nwi, nè ye mo ye Jisòs Krest wèŋ mɔwe' mò'fis. 10 A yà'sə də a ye-a ŋga ŋwè nəmòk vè-a bohòwèŋ, nè sə yə'rə yusè zok nè noŋsə sè Jisòs à yə'rə sə fana wù kà yi mɔwe' nòŋ fa, nè kà yi də <<Vè bèboŋ>> sè' duk lok. 11 Mù duk ve'nə bùusè ŋwè nè yi cèpsə-a nà' ye də yi be'lə bə nà' bə nsàp bəp nè yi sə gù nè.

### *Càcèpsə*

12 Bum mok cu ŋkùuŋntèŋ sè mù tse' ŋgòcòm fa weŋ, fana mù nè kà yà' còm, bùusè mù sə vè bə kù am ŋgòkə yə weŋ, ya ŋga vesùwèŋ yenə

si bə si, nə kwa nəbɔp. <sup>13</sup> Bwe nɔ̀' yo nɔ̀ Nwì a  
swekfis yi sɔ̀ cɛpsɔ̀ wu bəboŋ.

**Nwàk Nwì Ma Rùk Nè Fi**  
**New Testament in Yamba**

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 22 Feb 2024 from source  
files dated 29 Jan 2022

c475d5b3-da44-51cf-93ca-f255b72fe481